

TEKS UCAPAN

**YANG BERHORMAT MOHD RAFIZI BIN RAMLI
MENTERI EKONOMI MALAYSIA**

SEMPENA

**MAJLIS PENYERAHAN GERAN DI BAWAH PROGRAM
INISIATIF PENDAPATAN RAKYAT (IPR) BERSAMA YB**

MENTERI EKONOMI

DAN

TOWNHALL BERSAMA PIMPINAN PELAJAR

SELASA | 9 JANUARI 2024 | 9.00AM

UiTM CAWANGAN SELANGOR

KAMPUS PUNCAK ALAM

Terima kasih saudara Pengacara majlis

بِسْمِ اللَّهِ الرَّحْمَنِ الرَّحِيمِ

Assalamualaikum warahmatullahi wabarakatuh,
Salam sejahtera dan Salam Malaysia MADANI.

- Yang Berbahagia Profesor Datuk Dr. Shahrin bin Sahib Naib Canselor, Universiti Teknologi MARA (UiTM)
- Yang Berbahagia Profesor Dr. Hj. Mohd Sazili Shahibi
Timbalan Naib Canselor Hal Ehwal Pelajar, UiTM
- Yang Berbahagia Profesor Ts. Dr. Norazah Abd Rahman
Timbalan Naib Canselor, Penyelidikan & Inovasi, UiTM

- Yang Berbahagia Prof. Dr. Ahmad Taufek Abdul Rahman
Rektor, UiTM Cawangan Selangor
- Yang Berusaha Prof. Madya Dr. Badrul Isa
Timbalan Rektor Hal Ehwal Pelajar
UiTM Cawangan Selangor
- Timbalan-Timbalan Rektor, Dekan-Dekan Fakulti
- Tuan-Tuan dan Puan-Puan, serta para pelajar UiTM yang saya kasihi.

[Salutasi - Kemas Kini Berdasarkan Kehadiran]

1. Syukur ke hadrat Allah SWT, kita berpeluang pada pagi ini dalam **Majlis Penyerahan Geran di bawah Program Inisiatif Pendapatan Rakyat (IPR) & Townhall Bersama Pimpinan Pelajar.**

2. Terima kasih kepada Universiti Teknologi MARA Cawangan Selangor Kampus Puncak Alam atas usaha menjayakan Majlis ini.

**Tuan-tuan dan puan-puan yang saya hormati
sekalian,**

3. YAB Perdana Menteri semasa pembentangan Belanjawan 2023 pada 24 Februari 2023 telah mengumumkan pelaksanaan Program Inisiatif Pendapatan Rakyat (IPR) sebagai iltizam Kerajaan untuk mengupayakan golongan miskin tegar, miskin dan B40 bagi menjana pendapatan yang mampan.

4. Antara sasaran pelaksanaan IPR adalah; Memperkasa peserta untuk menjana pendapatan yang mampan dan menyelesaikan isu-isu struktur

ekonomi yang berkaitan dengan kos sara hidup, pengeluaran makanan domestik dan pergantungan kepada pekerja asing.

5. Usaha untuk membasmi kemiskinan bukanlah suatu usaha yang Baharu, malah usaha ini telah dilaksanakan sejak lama dahulu, bermula antara 60 ke 70 tahun yang lalu. Namun begitu, di bawah pentadbiran kerajaan MADANI dan perancangan Kementerian Ekonomi semasa, pelaksanaan untuk menangani isu ini berdasarkan pendekatannya tersendiri.

6. Justeru itu, usaha melalui Kementerian Ekonomi telah melancarkan IPR yang disempurnakan dan ketengahkan oleh Kementerian Ekonomi pada 26 Februari 2023. Di bawah IPR, terdapat 3 inisiatif telah diperkenalkan iaitu:

- Inisiatif Usahawan Tani (INTAN)
- Inisiatif Usahawan Makanan (INSAN)
- Inisiatif Operator Perkhidmatan (IKHSAN)

7. Demi memastikan pelaksanaan IPR mencapai objektif yang telah ditetapkan, Bahagian Hal Ehwal Pelajar, UiTM telah turut serta sebagai Rakan Strategik Bersama Kementerian Ekonomi bagi kerjasama berikut:

i. Pelaksanaan Pemetaan & Pemantauan Program Inisiatif Pendapatan Rakyat (IPR).

- Pelaksanaan Pemetaan & Pemantauan merupakan proses *profiling* Ketua Isi Rumah, mengemukakan cadangan program dan merangka tindakan intervensi yang bersesuaian serta memantau pelaksanaan Program IPR (BMT) untuk meningkatkan pendapatan peserta untuk melepasi Pendapatan Garis Kemiskinan (PGK) makanan.

- Proses ini melibatkan hampir 1400 orang KIR yang melibatkan 4 buah negeri iaitu, Wilayah Persekutuan Kuala Lumpur, Negeri Sembilan, Melaka dan Melaka dengan peruntukan berjumlah RM2.16 juta kepada UiTM.

ii. Pelaksanaan Kursus Literasi Kewangan Peserta Program Inisiatif Pendapatan Rakyat

- Pengetahuan & kemahiran pengurusan kewangan merupakan asas utama untuk memastikan para peserta IPR berupaya meneruskan kelangsungan demi menjamin kemampuan aktiviti ekonomi yang diceburi. Demi memastikan aspek ini dicapai UiTM akan bertindak sebagai pembangun dan pengajar modul latihan literasi kewangan kepada 3000 peserta IPR dan BMT di seluruh negara. Sebanyak RM4,801,500.00 peruntukan telah diluluskan bagi tujuan ini. Kelas pertama untuk kursus ini telah diadakan pada 16 Disember 2023 di UiTM Cawangan Selangor, Kampus Puncak Alam.

iii. Penempatan 49 unit Mesin Layan Diri IPR (INSAN) di kampus UiTM seluruh negara.

- Pada 21 Mac 2023, Inisiatif Pendapatan Rakyat (IPR) di bawah program Inisiatif Usahawan

Makanan (INSAN) telah menjadikan UiTM Kampus Puncak Alam, Selangor menjadi kampus pertama bagi pelancaran mesin layan diri. Dan kini, telah diperluaskan ke seluruh kampus UiTM.

- Program ini mensasarkan untuk membantu peserta untuk meraih pendapatan antara RM2,000 hingga RM2,500 sebulan untuk tempoh pemantauan selama 24 bulan, seterusnya peserta mampu meneruskan kelangsungan hidup yang lebih terjamin melalui hasil menyertai program.

8. Berdasarkan inisiatif tersebut, Kementerian Ekonomi mengharapkan dapat mengatasi masalah berkaitan proses pengesahan dan pemetaan miskin tegar dengan tepat. Ini bagi membolehkan tindakan susulan yang bakal dilaksanakan dapat mencapai matlamat seterusnya mengurangkan jumlah miskin tegar dan berlaku peningkatan pendapatan isi rumah secara terancang dan berterusan.

9. Insya-Allah, dengan dibantu oleh penggunaan teknologi memproses data dan pangkalan data yang baik mampu menyediakan maklumat yang jelas dan tepat untuk kita bertidak berbanding sebelum ini, proses untuk kenalpasti golongan miskin tegar akan mengambil masa yang panjang dan menjejaskan perancangan kementerian untuk sampai kepada kumpulan sasaran.

10. Saya percaya dengan penglibatan UiTM dengan Kementerian Ekonomi ini, akan menghasilkan impak yang positif dalam pelaksanaan program IPR.

11. Harapan saya, agar kesemua inisiatif yang dilancarkan berjaya membantu golongan mencapai pendapatan RM2,000 sebulan. Usaha kerajaan MADANI ini merupakan asas kepada keprihatinan untuk membasmi kemiskinan dalam kalangan rakyat Malaysia. Komitmen ini merupakan kerja berterusan dan berstrategi dalam memastikan matlamat pelaksanaan inisiatif-inisiatif ini dicapai dengan baik.

**Tuan-tuan dan puan-puan yang saya hormati
sekalian,**

12. Semoga matlamat Malaysia untuk menjadi negara yang prihatin kepada masalah kemiskinan rakyat dan usaha mengurangkan jurang kemiskinan secara bertanggungjawab dan konsisten akan menjadi lebih berjaya.

13. Sebelum saya mengakhiri ucapan ini, sekali lagi saya ucapkan ribuan terima kepada UiTM dan semua yang bersama-sama bekerjasama menjayakan majlis pada pagi dan mereka yang terlibat dalam usaha menjayakan Program Inisiatif Pendapatan Rakyat (IPR).

Sekian,

Wabillahitaufik Walhidayah,

Wassalamu'alaikum Warahmatullahi Wabarakatuh.